

之，由南门、大东门、西门、晤常、昭两邑尊。饭价人处。儒卿、咏春、濒石皆长谈。比归而汤伯述来吊，谈至夜，余令士吉款之，脱身吊庞昆圃，诣伯述船谈片刻，昏黑中归，乏极。致书何子永，为伯述也。滋斋来未见，亦有求，其余纷纷不能悉记矣。秉烛检行李。

廿六日（11月1日） 阴，微雨。晨步出北门，饮于茶肆，诣次侯处待袁孟皋，已而陆云生、叔文、赵价人、赵莘卿_{价人之侄}。皆来，次侯治具见饷。饭罢与孟皋、次侯同诣兴福、檀树坟新茔相度，若改动罗城，劳费且不如式，西山卯向兼庚甲二、三分。定于安奉后，中筑土墙一道从中分开，两头带圆，一头属于罗城，一头出墩之前，前作一字式，上种石岩。看毕入寺饮茶，惆怅而出。次侯拉过其家吃馄饨，雨洒衣甚凉，坐小轿归，乏极。儒卿送菜及诗。夜大雨。

廿七日（11月2日） 雨未止。本拟到西山未能也，到老宅瞻望榱桷，流涕不自禁，眩转不已，坐于大厅良久乃还。遂作楹帖，凡戈什、巡捕皆持纸来，应接不暇，臂为之痛。夜赴三杨约，余茹素也。上海朱粹甫回信，轮船皆开行，保大今日归沪，小轮船恐难带清江云云。阅之意不适，与荣侄商酌，竟定用小轮船送过江到德州，再用轮船送天津，为计较得。再函致朱粹甫、徐雨之，由脚船去。得京中九月十三函，筹儿于十二日出京，水路至德州起旱也，意甚悬悬。李兰生于十三日丁忧矣，为之悲感。咏春、濒石、书城同约在咏春家小饮，菜止四簋，青菜双鲫而已，儒钦、伯伟在座，二鼓罢去。咏春赠诗，读之失声。

廿八日（11月3日） 阴，微雨。晨起写扇对，日中而毕，拟少休而客来不断。写信致龚幼安，为蒋海山谋馆。复吴子健中丞书。成、金两甥、士吉昆季，赵价人皆来，李伯孟之子年十四矣，来见。夜检行李。雨。

廿九日（11月4日） 雨。晨起笠履敬诣石梅先祠展拜，归入